

## Қазақстан Республикасының кейбір заңнамалық актілеріне дене шынықтыру және спорт мәселелері бойынша өзгерістер мен толықтырулар енгізу туралы

Қазақстан Республикасының 2009 жылғы 10 шілдедегі N 181-IV Заңы

**1-бап.** Қазақстан Республикасының мына заңнамалық актілеріне өзгерістер мен толықтырулар енгізілсін:

1. "Дене шынықтыру және спорт туралы" 1999 жылғы 2 желтоқсандағы Қазақстан Республикасының Заңына (Қазақстан Республикасы Парламентінің Жаршысы, 1999 ж., N 24, 1065-құжат; 2003 ж., N 15, 129-құжат; 2004 ж., N 23, 142-құжат; 2006 ж., N 3, 22-құжат; N 13, 86-құжат; 2007 ж., N 2, 18-құжат; N 10, 69-құжат; N 20, 152-құжат):

1) 1-бап мынадай редакцияда жазылсын:

"1-бап. Осы Заңда пайдаланылатын негізгі ұғымдар

Осы Заңда мынадай негізгі ұғымдар пайдаланылады:

1) Арнайы олимпиада - мүгедектер мен ақыл-есінің мүмкіндігі шектеулі адамдар қатарындағы спортшылар арасында өткізілетін халықаралық қысқы және жазғы ж а р ы с т а р ;

2) әуесқойлық спорт - азаматтардың дене тәрбиесінің жалпы жүйесіндегі өзінің спорт шеберлігін жетілдіруге және спорттың әр түрінде жоғары нәтижелерге жетуге мүмкіндік беретін сан қырлы бұқаралық спорт қозғалысы;

3) бас жаттықтырушы - Қазақстан Республикасының ұлттық құрама командасына басшылық жасауға, спорт түрі бойынша әлем чемпионаттарында, Азия және Олимпиада ойындарында және басқа да халықаралық жарыстарда оның даярлығына, қалыптасуы мен сайысқа түсуіне жауап беретін жаттықтырушы;

4) бұқаралық спорт - дене жаттығуларымен айналысуға тарту және спорттың әр түріндегі талантты спортшыларды анықтау мақсатында халық арасында дене шынықтыруды дамытуға ықпал ететін бұқаралық спорт қозғалысын білдіретін дене ш ы н ы қ т ы р у д ы ң б і р б ө л і г і ;

5) бұқаралық спорт іс-шараларының күнтізбесі - дене шынықтыру-спорт ұйымдарының оқу-жаттығу жұмысын күнтізбелік жылға жоспарлауы мен өткізуін р е г л а м е н т т е й т і н р е с м и құ ж а т ;

6) дәрігерлік-дене шынықтыру диспансері - дене шынықтырумен және спортпен айналысатын адамдарды медициналық қамтамасыз етуге, дәрігерлік бақылауға, емдік дене шынықтыруға және оңалтуға арналған медициналық ұйым;

7) дене тәрбиесі - дені сау, дене бітімі және рухани жағынан жетілген, моральдық жағынан табанды жеткіншек ұрпақты қалыптастыруға, адамның денсаулығын нығайтуға, жұмыс қабілетін арттыруға, шығармашылық ғұмырлылығы мен өмірін

ұзартуға бағытталған педагогикалық процесс;

8) дене тәрбиесінің құралдары - дене шынықтыру жаттығулары, табиғаттың сауықтыру күштері және гигиеналық факторлар;

9) дене шынықтыру - мәдениеттің ажырамас бөлігі, адамның дене бітімін дамыту, оның денсаулығын нығайту мақсатында қоғам жасайтын және пайдаланатын, адамның үйлесімді дамуына ықпал ететін рухани және материалдық құндылықтар жиынтығы болып табылатын әлеуметтік қызмет саласы;

10) дене шынықтыру (дене шынықтыру-спорт) қозғалысы - халықтың дене шынықтыру деңгейін арттыруға, жеке және заңды тұлғалардың дене шынықтыру мен спортты дамыту жөніндегі нысаналы қызметіне жәрдемдесетін әлеуметтік қозғалыс н ы с а н ы ;

11) дене шынықтыру және спорт жөніндегі уәкілетті орган - дене шынықтыру және спорт саласындағы мемлекеттік реттеуді жүзеге асыратын орталық атқарушы орган;

12) дене шынықтыру және спорт жүйесі - халықтың дене тәрбиесі мен спортты дамыту мақсатындағы қызметті жүзеге асыратын мемлекеттік мекемелердің және өзге де заңды тұлғалардың жиынтығы;

13) дене шынықтыру және спорт саласындағы аккредиттеу - дене шынықтыру және спорт жөніндегі уәкілетті органның спорт түрі бойынша республикалық қоғамдық бірлестіктің тиісті халықаралық ұйымдарда Қазақстан Республикасын білдіретін құқықтық өкілеттігін ресми тануы;

14) дене шынықтыру-сауықтыру, спорт және спорттық-техникалық ғимараттары - азаматтардың дене шынықтыру жаттығуларымен, спортпен айналысуына және спорттық ойын-сауық іс-шараларын өткізуге арналған объектілер;

15) дене шынықтыру-спорт қоғамы (спорт клубы) - қызметі азаматтардың дене шынықтыру және спорт құралдарымен сауығуына бағытталған дене шынықтыру-спорт ұйымының құрамдас бөлігі;

16) дене шынықтыру-спорт ұйымы - дене шынықтыру және спорт саласындағы қызметті жүзеге асыратын заңды тұлға;

17) жаттықтырушы - кәсіби білімі бар және оқу-жаттығу процесі барысында спортшының даярлығын және спорттық нәтижелерге қол жеткізу үшін оның жарыс әрекетіне басшылықты жүзеге асыратын жеке тұлға;

18) жоғары дәрежедегі спортшы - Қазақстан Республикасының ұлттық құрама командасының мүшесі болып табылатын, спорттық атағы бар және жоғары спорттық нәтижелерге қол жеткізу мақсатында спорт жарыстарында өнер көрсететін спортшы;

19) жоғары жетістіктер спорты - жоғары спорттық нәтижелерге қол жеткізуді, рекордтар жасауды қамтамасыз ететін спорт саласы;

20) кәсіпқойлық спорт - спорттық ойын-сауық іс-шараларының экономикалық тиімділігін және жоғары ақпараттық-көңіл көтеру құндылығын көздейтін спорттық-кәсіпкерлік қызмет;

21) кешенді ғылыми топ - ғылыми-әдістемелік және медициналық-биологиялық зерттеулер жүргізу, спортшының функционалдық жай-күйін және даярлығының техникалық деңгейін айқындау үшін құрылатын білікті мамандар тобы;

22) мемлекеттік жаттықтырушы - Қазақстан Республикасында спорт түріне жалпы басшылық жасау және оның дамуы үшін жауап беретін жаттықтырушы;

23) оқу-жаттығу базасы - құрама командалардың оқу-жаттығу процесін тамақтану және сонда тұруымен қоса қамтамасыз етуге арналған спорт ғимараты;

24) олимпиадалық даярлау орталығы - республикалық деңгейде құрылып, Қазақстан Республикасының жастар мен жасөспірімдер құрама командаларының спортшыларын халықаралық жарыстарға даярлау бойынша оқу-жаттығу, спорттық-әдістемелік қызметті жүзеге асыратын дене шынықтыру-спорт ұйымы;

25) олимпиадалық резерв даярлау орталығы - жергілікті деңгейде құрылып, өңірдің жастар мен жасөспірімдер құрама командаларының спортшыларын республикалық және халықаралық жарыстарға даярлау бойынша оқу-жаттығу, спорттық-әдістемелік қызметті жүзеге асыратын дене шынықтыру-спорт ұйымы;

26) Параолимпиадалық ойындар - тірек-қозғалу аппараты және көру органдары зақымданған мүгедек-спортшылар арасында өткізілетін халықаралық қысқы және ж а з ғ ы ж а р ы с т а р ;

27) президенттік тестілер - бақылау нормативтері арқылы халықтың дене шынықтыру дайындығының жалпы деңгейін айқындайтын жаттығулардың ( с ы н а қ т а р д ы ң ) ж и ы н т ы ғ ы ;

28) салалық көтермелеу жүйесі - дене шынықтыру және спорт қызметкерлерін саланы дамытуға қосқан үлесі үшін ынталандыру нысаны;

29) спорт - жарыс әрекетінің, спортшыларды жарыстарға қатысуға даярлаудың ерекше нысаны болып табылатын дене шынықтырудың бір бөлігі;

30) спорт төрешісі - арнайы даярлықтан өткен және тиісті біліктілік санатын алған, спорт түрінің және спорттық іс-шараның ережелерін сақтауды қамтамасыз етуге спорттық іс-шараларды ұйымдастырушы уәкілеттік берген жеке тұлға;

31) спорт түрі - біліктілік деңгейі, жаттығу ортасы, пайдаланылатын құрал-сайман мен жабдық, жарыс ережесі айрықша белгілері болып табылатын дене шынықтырудың қ ұ р а м д а с б ө л і г і ;

32) спорт түрі бойынша қоғамдық бірлестік - мақсаты бір немесе бірнеше спорт түрлерін дамыту, спорт жарыстарын және басқа да спорт іс-шараларын ұйымдастыру мен өткізу болып табылатын, азаматтардың ерікті негізде құрылған бірлестігі;

33) спорттық индустрия - дене шынықтыру-спорт мақсатындағы қызмет көрсетуді, өнімдер өндіруді жүзеге асыратын шаруашылық жүргізуші субъектілердің жиынтығы;

34) спорт қызметі туралы келісімшарт - жоғары дәрежедегі спортшы немесе жаттықтырушы мен заңды тұлға арасында жасалатын шарт;

35) спорт медицинасы және оңалту орталығы - спортшыны қалпына келтіру, алдын

алу және оңалту іс-шараларын, медициналық-биологиялық препараттарды қолдану қауіпсіздігін және олардың тиімділігін қамтамасыз ететін медициналық ұйым;

36) спорттық сыныптама - жекелеген спорт түрлерінде шеберлік деңгейін, сондай-ақ жаттықтырушылардың, спортшылардың, нұсқаушылардың, әдіскерлердің және төрешілердің біліктілік деңгейін айқындайтын спорттық атақтардың, разрядтардың және санаттардың жүйесі;

37) спорттың техникалық және қолданбалы түрлері - спортшының техникалық құралдарды қолдана отырып жарыстарға арнайы даярлығын талап ететін дене шынықтырудың бір бөлігі;

38) спортшы - спорт түрімен (түрлерімен) үнемі айналысатын және спорт жарыстарында өнер көрсететін жеке тұлға;

39) Сурдолимпиадалық ойындар - есту органдарына зақым келген мүгедек-спортшылар арасында өткізілетін халықаралық қысқы және жазғы жарыстар;

40) Универсиада - спорттың әр түрі бойынша өткізілетін дүниежүзілік студенттік қысқы және жазғы спорт жарыстары;

41) ұлттық спорт түрлері - жарыс әрекеті нысанында тарихи қалыптасқан және өзіне тән дене шынықтыру жаттығуларын және дене шынықтыру белсенділігін ұйымдастырудың өзіндік ережелері мен тәсілдері бар халық ойындарын білдіретін дене шынықтырудың бір бөлігі;

42) халықаралық спорт жарыстары - кемінде бес мемлекеттің өкілдері қатысатын спортшылар (командалар) арасында спорт түрінен өтетін сайыс.";

## 2 ) 8 - б а п т а :

1-тармақтағы "дене шынықтыру-сауықтыру және спорт бағытындағы" деген сөздер "спорт түрлері бойынша" деген сөздермен ауыстырылсын;

3-тармақтың екінші бөлігіндегі "заң актілеріне" деген сөздер "заңнамасына" деген сөзбен ауыстырылсын;

3) 2-тараудың тақырыбы мынадай редакцияда жазылсын:

"2-тарау. Қазақстан Республикасының дене шынықтыру және спорт жүйесі";

4) 2-тарау мынадай мазмұндағы 8-1-баппен толықтырылсын:

"8-1-бап. Қазақстан Республикасындағы дене шынықтыру (дене шынықтыру-спорт) қозғалысының субъектілері

Қазақстан Республикасындағы дене шынықтыру (дене шынықтыру-спорт)

қ о з ғ а л ы с ы :

1) олимпиадалық даярлау орталықтарын;

2) олимпиадалық резерв даярлау орталықтарын;

3) жоғары спорт шеберлігі мектептерін;

4) спорттағы дарынды балаларға арналған мектеп-интернаттарды;

5) олимпиадалық резервтің спорт мектептерін;

6) олимпиадалық резервтің мамандандырылған балалар-жасөспірімдер мектептерін;

- 7) балалар-жасөспірімдер спорт мектептерін;
- 8) дене шынықтыру-спорт қоғамдарын (спорт клубтарын);
- 9) балалар-жасөспірімдер дене шынықтыру даярлығы клубтарын;
- 10) балалар мен жеткіншектер клубтарын;
- 11) спорт медицинасы және оңалту орталықтарын;
- 12) дәрігерлік-дене шынықтыру диспансерлерін;
- 13) допингке қарсы комиссияларды;
- 14) кешенді ғылыми топтарды;
- 15) оқу-жаттығу базаларын;

16) қызметі мектеп жасына дейінгі балалардың, оқушылар мен студенттердің дене тәрбиесі мен спорттық даярлығына бағытталған жеке және заңды тұлғаларды қамтиды.

## 5 ) 9 - б а п т а :

1-тармақтың бірінші бөлігіндегі "және санитариялық-гигиеналық талаптарға" деген сөздер ", санитариялық ережелер мен гигиеналық нормативтерге" деген сөздермен а у ы с т ы р ы л с ы н ;

мынадай мазмұндағы 1-1-тармақпен толықтырылсын:

"1-1. Мектеп жасына дейінгі балалар мекемелері, жалпы білім беретін мектептер және басқа да оқу орындары оқушыларға дене тәрбиесін беру мақсатында: дене шынықтыру машықтарын қалыптастырады, спортпен айналысуға тартады, дене шынықтыру-сауықтыру және спорттық іс-шаралар өткізеді және қоғамдық бірлестіктер мен басқа да заңды тұлғалардың мектеп жасына дейінгі балалардың, оқушылар мен студенттердің қатысуымен спорттық іс-шараларды ұйымдастыру мен өткізуіне ж ә р д е м д е с е д і . " ;

2-тармақтағы "әзірлігіне бағытталған басқа да ұйымдар" деген сөздер "даярлығына бағытталған басқа да заңды тұлғалар" деген сөздермен ауыстырылсын;

## 6) 10 - б а п т ы ң 1 - т а р м а ғ ы н д а :

"Меншік нысандарына қарамастан кәсіпорындар" деген сөздер "Кәсіпорындар" деген с ө з б е н а у ы с т ы р ы л с ы н ;

мынадай мазмұндағы екінші бөлікпен толықтырылсын:

"Мемлекеттік кәсіпорындар және мемлекеттің қатысу үлесі бар заңды тұлғалар дене шынықтыру-спорт қоғамдарының (спорт клубтарының) қызметіне қатысуға міндетті.";

## 7) 11-баптың 1-тармағы мынадай редакцияда жазылсын:

"1. Тұрғылықты жерде және халықтың жаппай демалатын орындарында дене шынықтыруды және спортты дамыту:

1) спорттық клубтар мен секциялар жұмысын ұйымдастыруды;

2) дене шынықтыру-сауықтыру және спорттық іс-шараларды ұйымдастыру мен ө т к і з у д і ;

3) дене шынықтыру-спорт ұйымдарына жаппай демалатын орындарда халықтың дене шынықтырумен және спортпен айналысуына арналған қажетті үй-жайлар бөлуге және спорттық ғимараттар беруге жәрдемдесуді қамтиды.";

8 ) 1 2 - б а п т а :

тақырыптағы және мәтіндегі "Мүгедектерге", "мүгедектерді", "мүгедектер", "Ақыл-есі кем және дене кемістігі бар мүгедектерді" және "мүгедектердің" деген сөздер тиісінше "Мүгедектер мен ақыл-есінің мүмкіндігі шектеулі адамдарға", "мүгедектер мен ақыл-есінің мүмкіндігі шектеулі адамдарды", "мүгедектер мен ақыл-есінің мүмкіндігі шектеулі адамдар", "Мүгедектер мен ақыл-есінің мүмкіндігі шектеулі адамдардың" деген сөздермен ауыстырылсын;

4-тармақтың бірінші бөлігі "халықаралық жарыстарға" деген сөздерден кейін ", оның ішінде Параолимпиадалық, Сурдоолимпиадалық ойындарға және Арнайы олимпиадаға" деген сөздермен толықтырылсын;

9 ) 1 4 - б а п т а :

төртінші абзац бойынша орыс тіліндегі мәтініне өзгеріс енгізілді, қазақ тіліндегі мәтіні өзгермейді;

алтыншы абзац бойынша орыс тіліндегі мәтініне өзгеріс енгізілді, қазақ тіліндегі мәтіні өзгермейді;

1 0 ) 1 5 - б а п т а :

2 - т а р м а қ т а :

"және санитариялық-гигиеналық нормаларға" деген сөздер ", санитариялық ережелер мен гигиеналық нормативтерге" деген сөздермен ауыстырылсын;

орыс тіліндегі мәтініне өзгеріс енгізілді, қазақ тіліндегі мәтіні өзгермейді;

3-тармақтағы "санитариялық-гигиеналық нормаларға" деген сөздер "санитариялық ережелер мен гигиеналық нормативтерге" деген сөздермен ауыстырылсын;

4-тармақтағы "заңдарында белгіленген тәртіппен" деген сөздер "заңдарына сәйкес" деген сөздермен ауыстырылсын;

1 1 ) 1 6 - б а п т а :

1-тармақ мынадай редакцияда жазылсын:

"1. Жоғары дәрежедегі спортшылар даярлауды дене шынықтыру және спорт жөніндегі уәкілетті орган бекіткен спорт түрлері жөніндегі бағдарламаларға сәйкес дене шынықтыру және спорт саласындағы отандық және шетелдік мамандар, сондай-ақ дене шынықтыру және спорт саласында қызметті жүзеге асыратын заңды тұлғалар жүзеге асырады." ;

2-тармақтың бірінші бөлігінде:

"спортшыларын әзірлеу" деген сөздер "жоғары дәрежедегі спортшыларын даярлау" деген сөздермен ауыстырылсын;

екінші сөйлем алып тасталсын;

1 2 ) 1 8 - б а п т а :

1-тармақтағы "ғалымдардың, дене шынықтыру-спорт ұйымдары мен спорт медицинасы ұйымдарының басқа да қызметкерлерінің ұжымдары спорттың түрлері бойынша федерациялардың" деген сөздер "отандық және шетелдік мамандардың, дене шынықтыру-спорт және медицина ұйымдарының басқа да қызметкерлерінің ұжымдары спорттың түрлері бойынша қоғамдық бірлестіктердің" деген сөздермен ауыстырылсын;

2-тармақтағы "спорттың әр түрі бойынша тиісті федерациялар", "спорттың әр түрі бойынша федерациялардың" деген сөздер тиісінше "спорт түрлері бойынша тиісті қоғамдық бірлестіктер", "спорт түрлері бойынша қоғамдық бірлестіктердің" деген сөздермен ауыстырылсын;

1 3 ) 2 0 - б а п т а :

"ұйымдармен" деген сөз "заңды тұлғалармен" деген сөздермен ауыстырылсын;  
"ғалымдарды" деген сөз "отандық және шетелдік мамандарды" деген сөздермен ауыстырылсын;

орыс тіліндегі мәтініне өзгеріс енгізілді, қазақ тіліндегі мәтіні өзгермейді;

14) 21-бап мынадай редакцияда жазылсын:

"21-бап. Спорт резервін даярлау

1. Спорт резервін даярлау оқу-жаттығу процесі кезеңінде оқу-жаттығу бағдарламаларының және оқу жоспарларының негізінде жүзеге асырылады.

Оқу-жаттығу процесі спортшыларды даярлаудың мынадай көпжылдық кезеңдеріне б ө л і н е д і :

- 1) спорттық - сауықтыру;
- 2) бастапқы даярлық;
- 3) оқу - жаттығу;
- 4) спорт шеберлігін жетілдіру;
- 5) жоғары спорт шеберлігі.

2. Оқу-жаттығу процесін ұйымдастыру оқу-жаттығу мен спорттық іс-шараларды өткізуді, спортшыларға медициналық қызмет көрсетуді, оларды тамақтандыруды және оқу-жаттығу мен спорттық іс-шараларға бару жолын, сондай-ақ спорттық керек-жарақпен, спорт құрал-сайманымен және жабдығымен қамтамасыз етуді қ а м т и д ы .

3. Оқу-жаттығу сабақтары дене шынықтыру-спорт ұйымдарында және балалар-жасөспірімдер спорт ұйымдарында жүргізіледі.";

15) 22-баптың 1-тармағының екінші абзацындағы "және ұлттық федерациялар" деген сөздер "федерациялар және республикалық қоғамдық бірлестіктер" деген сөздермен ауыстырылсын;

1 6 ) 2 2 - 1 - б а п т а :

4-тармақтағы "Дене шынықтыру және спорт жөніндегі жаттықтырушыларға" деген

сөздер "Жаттықтырушыларға" деген сөзбен ауыстырылсын;  
5-тармақтағы "Дене шынықтыру және спорт жөніндегі төрешілерге" деген сөздер "Спорт төрешілеріне" деген сөздермен ауыстырылсын;

17) 4-тарау мынадай мазмұндағы 22-2-баппен толықтырылсын:

"22-2-бап. Қазақстан Республикасы Үкіметінің дене шынықтыру және спорт саласындағы құзыреті

Қазақстан Республикасының Үкіметі:

1) спорт түрлері бойынша республикалық қоғамдық бірлестіктерді аккредиттеу е р е ж е с і н б е к і т е д і ;

2) спорттық іс-шараларды материалдық қамтамасыз ету нормативтерін бекітеді;

3) республикалық спорттық іс-шаралардың, универсиадалардың жүлдегерлерін және оларға қатысушыларды және халықаралық жарыстардағы жоғары нәтижелері үшін Қазақстан Республикасының ұлттық құрама командаларының мүшелерін көтермелеу мөлшерлерін бекітеді;

4) еңбек сіңірген спортшылар мен жаттықтырушыларға ай сайынғы материалдық қамсыздандыру түрінде өмір бойы төлемақы төлеу ережесін бекітеді;

5) Президенттік тестілерді өткізу ережесін бекітеді.";

1 8 ) 2 3 - б а п т а :

3) тармақшадағы "спорт" деген сөз "дене шынықтыру-спорт" деген сөздермен а у ы с т ы р ы л с ы н ;

10) тармақшадағы "стандарттау, метрология және сертификаттау жөніндегі" деген сөздер "техникалық реттеу саласындағы" деген сөздермен ауыстырылсын;

13) тармақша мынадай редакцияда жазылсын:

"13) білім беру ұйымдарындағы қызметті қоспағанда, жоғары санаттағы спорт ғимараттарында дене шынықтыру-сауықтыру, спорт қызметтерін көрсету жөніндегі заңды және жеке тұлғалардың қызметін, сондай-ақ дене шынықтыру және спорт саласында қызмет көрсетумен байланысты спорт түрлері бойынша республикалық және өңірлік қоғамдық бірлестіктердің қызметін лицензиялауды жүзеге асырады;"

мынадай мазмұндағы жаңа 14-1) тармақшамен толықтырылсын:

"14-1) спорт түрлері бойынша республикалық қоғамдық бірлестіктерді аккредиттеуді жүзеге асырады;"

15) тармақшадағы "және бекітеді" деген сөздер алып тасталсын;

мынадай мазмұндағы 21), 22), 23), 24), 25), 26) тармақшалармен толықтырылсын:

"21) дене шынықтыру (дене шынықтыру-спорт) қозғалысы субъектілерінің қызметін ұйымдастыру ережесін бекітеді;

22) денсаулық сақтау саласындағы уәкілетті органмен келісе отырып, Дәрігерлік-дене шынықтыру диспансерлерінің және спорт медицинасы мен оналту орталықтарының қызметін ұйымдастыру ережесін бекітеді;

23) спорт түрлері бойынша жарыстардың ережесін бекітеді;



24) Спортшының бір дене шынықтыру-спорт ұйымынан, дене шынықтыру-спорт қоғамынан (спорт клубынан) басқа дене шынықтыру-спорт ұйымына, дене шынықтыру-спорт қоғамына (спорт клубына) ауысуы туралы ережені бекітеді;

25) дене шынықтыру-спорт және балалар-жасөспірімдер спорт ұйымдарындағы оқу-жаттығу бағдарламаларын және оқу-жаттығу процесінің кезеңдерін бекітеді;

26) спорт түрлері бойынша бас және мемлекеттік жаттықтырушыларды қызметке тағайындайды және қызметтен босатады.";

19) 23 - бапта :

1 - тармақта :

бірінші абзац мынадай редакцияда жазылсын:

"1. Облыстың (республикалық маңызы бар қаланың, астананың) жергілікті атқарушы органы:";

13) тармақшада :

"дене шынықтыру-сауықтыру және" деген сөздердің алдынан "білім беру ұйымдарындағы қызметті қоспағанда," деген сөздермен толықтырылсын;

"дене шынықтыру және спорт жөніндегі қызметті жүзеге асыратын жергілікті қоғамдық бірлестіктердің, одақтардың, қауымдастықтардың (облыстық федерациялардың)" деген сөздер "спорт түрлері бойынша жергілікті қоғамдық бірлестіктердің" деген сөздермен ауыстырылсын;

мынадай мазмұндағы 14) тармақшамен толықтырылсын:

"14) емдік дене шынықтыру және дене шынықтырумен және спортпен айналысатын адамдарды оңалту бойынша тиісті әкімшілік-аумақтық бірліктің аумағында дәрігерлік-дене шынықтыру диспансерлерінің қызметін қамтамасыз етеді.";

2-тармақтың бірінші абзацы мынадай редакцияда жазылсын:

"2. Ауданның (облыстық маңызы бар қаланың) жергілікті атқарушы органы:";

3-тармақ "жәрдем көрсетеді" деген сөздерден кейін ", сондай-ақ азаматтардың тұрғылықты жерінде және жаппай демалатын орындарында дене шынықтыруды және спортты дамыту үшін жағдайлар жасайды" деген сөздермен толықтырылсын;

20) 24 - бапта :

тақырыптағы, 1 және 3-тармақтардағы "Дене шынықтыру және спорт саласындағы", "дене шынықтыру және спорт саласындағы" деген сөздер тиісінше "Спорт түрлері бойынша", "спорт түрлері бойынша" деген сөздермен ауыстырылсын;

2-тармағының екінші бөлігі алып тасталсын;

21) 24-1-баптың 2-тармағы алып тасталсын;

22) 25 - бапта :

1-тармақ мынадай редакцияда жазылсын:

"1. Дене шынықтыруды және спортты қаржыландыру бюджет қаражаты және

Қазақстан Республикасының заңнамасында тыйым салынбаған өзге де көздер есебінен жүзеге асырылады." ;

6-тармақ алып тасталсын;

23) 26 - бапта :

1-тармақтағы "спорт клубтарының, мектеп-интернаттарының, спорт мектептерінің", "спорт клубтары (мектеп-интернаттар, спорт мектептері" деген сөздер тиісінше "дене шынықтыру-спорт ұйымдарының", "дене шынықтыру-спорт ұйымдары" деген сөздермен ауыстырылсын;

2 - тармақта :

"дене шынықтыру,", "Спорт бірлестіктерінің" деген сөздер тиісінше "дене шынықтыру-", "Дене шынықтыру-спорт ұйымдарының, спорт түрлері бойынша қоғамдық бірлестіктердің" деген сөздермен ауыстырылсын;

"сол бірлестіктердің келісімімен" деген сөздер "олардың келісімімен" деген сөздермен ауыстырылсын;

24) 27 - бапта :

1-тармақтың екінші бөлігі алып тасталсын;  
мынадай мазмұндағы 4-тармақпен толықтырылсын:

"4. Мемлекеттік меншіктегі дене шынықтыру-сауықтыру, спорт және спорттық-техникалық ғимараттарды, соларға тең дене шынықтыру-сауықтыру, спорт және спорттық-техникалық ғимараттарын құрмай жоюға, олардың нысаналы және функционалдық мақсаттарын өзгертуге жол берілмейді.";

25) 29-баптағы "аудандық (облыстық маңызы бар қалалық) атқарушы органның және дене шынықтыру-сауықтыру және спорт бағытындағы ұйымдар" деген сөздер "ауданның (облыстық маңызы бар қаланың) жергілікті атқарушы органының және дене шынықтыру-спорт ұйымдары" деген сөздермен ауыстырылсын;

26) 30 - бапта :

1 және 2-тармақтардағы "дене шынықтыру-спорт бірлестіктері" деген сөздер "спорт түрлері бойынша қоғамдық бірлестіктер" деген сөздермен ауыстырылсын;

2 - тармақта :

"ұйымдардың" деген сөз "дене шынықтыру-спорт ұйымдарының" деген сөздермен ауыстырылсын ;

"меншік нысандарына қарамастан" деген сөздер алып тасталсын;

3-тармақ мынадай редакцияда жазылсын:

"3. Спортшының бір дене шынықтыру-спорт ұйымынан, дене шынықтыру-спорт қоғамынан (спорт клубынан) басқа дене шынықтыру-спорт ұйымына, дене шынықтыру-спорт қоғамына (спорт клубына) немесе шетелдік дене шынықтыру-спорт ұйымына (шетелдік спорт клубына) дене шынықтыру-спорт ұйымдарының, дене шынықтыру-спорт қоғамдарының (спорт клубтарының) өзара келісімімен ауысуға құқығы бар.";

27) 31-баптың бірінші бөлігіндегі "спорт клубтарының, қоғамдарының және басқа да мүдделі ұйымдардың" деген сөздер "дене шынықтыру-спорт ұйымдарының, дене шынықтыру-спорт қоғамдарының (спорт клубтарының) және басқа да мүдделі заңды тұлғалардың" деген сөздермен ауыстырылсын;

28) 32-баптағы "спорт" деген сөз "дене шынықтыру-спорт" деген сөздермен ауыстырылсын;

2 9 ) 3 3 - б а п т а :

1-тармақтың бесінші абзацы "Қазақстан Республикасының" деген сөздерден кейін "ұлттық" деген сөзбен толықтырылсын;

2-тармақ "Қазақстан Республикасы" деген сөздерден кейін "ұлттық" деген сөзбен толықтырылсын.

2. "Жеке кәсіпкерлік туралы" 2006 жылғы 31 қаңтардағы Қазақстан Республикасының Заңына (Қазақстан Республикасы Парламентінің Жаршысы, 2006 ж., N 3, 21-құжат; N 16, 99-құжат; N 23, 141-құжат; 2007 ж., N 2, 18-құжат; N 3, 20-құжат; N 17, 136-құжат; 2008 ж., N 13-14, 57, 58-құжаттар; N 15-16, 60-құжат; N 23, 114-құжат; N 24, 128, 129-құжаттар; 2009 ж., N 2-3, 18, 21-құжаттар; 2009 жылғы 8 мамырда "Егемен Қазақстан" және 2009 жылғы 9 мамырда "Казахстанская правда" газеттерінде жарияланған "Қазақстан Республикасының кейбір заңнамалық актілеріне тауар биржалары мәселелері бойынша өзгерістер мен толықтырулар енгізу туралы" 2009 жылғы 4 мамырдағы Қазақстан Республикасының Заңы ; 2009 жылғы 8 мамырда "Егемен Қазақстан" және 2009 жылғы 9 мамырда "Казахстанская правда" газеттерінде жарияланған "Қазақстан Республикасының кейбір заңнамалық актілеріне ойын бизнесі мәселелері бойынша өзгерістер мен толықтырулар енгізу туралы" 2009 жылғы 4 мамырдағы Қазақстан Республикасының Заңы ; 2009 жылғы 12 маусымда "Егемен Қазақстан" және "Казахстанская правда" газеттерінде жарияланған "Қазақстан Республикасының кейбір заңнамалық актілеріне тұрғын үй-коммуналдық сала мәселелері бойынша өзгерістер мен толықтырулар енгізу туралы" 2009 жылғы 8 маусымдағы Қазақстан Республикасының Заңы ):

көрсетілген Заңның қосымшасы мынадай мазмұндағы 33-тармақпен толықтырылсын :

"33. Дене шынықтыру және спорт саласындағы мемлекеттік орган:

1) Қазақстан Республикасының дене шынықтыру және спорт саласындағы заңнамасының орындалуын бақылау;

2) спорт объектілерін пайдалану, оларға техникалық қызмет көрсету жөніндегі стандарттардың, ережелер мен нормалардың сақталуы жағынан бақылау;

3) спортта допингке қарсы іс-шаралардың жүргізілуін бақылау."

**2-бап.** Осы Заң алғашқы ресми жарияланған күнінен бастап қолданысқа енгізіледі.

*Президенті*

*Қ а з а қ с т а н      Р е с п у б л и к а с ы н ы ң*  
*Н. Назарбаев*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК